



ASUNTO: ANUNCIO DAS BASES E CONVOCATORIA PARA A CONCESIÓN DE SUBVENCIÓNS EN RÉXIME DE CONCORRENCIA COMPETITIVA A CLUBS E ENTIDADES DEPORTIVAS DO CONCELLO DE PORTO DO SON. ANO 2024

PRIMEIRA. OBXECTO.

1.- É obxecto das presentes bases regular as normas polas cales se rexerá a concesión en concorrencia competitiva de subvención aos clubs deportivos deste Concello para sufragar parte dos gastos que lles ocasione a promoción en actividades deportivas de interese municipal e a participación en competicións deportivas durante a tempada 2023-2024, convocadas ao abeiro do disposto na Ordenanza reguladora da concesión de subvencións por parte do concello a asociacións e entidades sen fin de lucro existentes no concello e ás comisións de festas das distintas parroquias (BOP nº 153 de 04/07/2008).

2.- Son gastos subvencionables os realizados entre 01/09/2023 e o 01/09/2024 do seguinte tipo:

1. Organización de competicións deportivas federadas.
2. Fichas federativas.
3. Inscripción en competicións.
4. Gastos de funcionamento dos clubs.

En ningún caso o custo dos gastos subvencionables poderá ser superior ao valor de mercado.

Os tributos son gastos subvencionables cando o beneficiario da subvención os abonase efectivamente. En ningún caso se considerarán gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

3.- Non son gastos subvencionables a realización de obras, a adquisición de bens inventariables, os intereses debedores de contas bancarias, os xuros, recargas e sancións administrativas ou penais nin os gastos de procedementos xudiciais.

Tampouco serán subvencionables os gastos correspondentes a actividades para as que o Concello de Porto do Son xa tivese outorgado outras axudas.

SEGUNDA. CONTÍA DAS SUBVENCIÓNS E APLICACIÓN ORZAMENTARIA.

A contía global para as subvencións reguladas nestas bases será de 10.000 euros, financiándose con cargo ao crédito orzamentario consignado na partida 341.48002 do orzamento municipal vixente.

Este importe será repartido entre os beneficiarios segundo os criterios que se establecen na base sexta, sen que a concesión implique para os beneficiarios dereito ningún para anos posteriores.

TERCEIRA. BENEFICIARIOS.

1.- Poderán solicitar as axudas reguladas pola presente convocatoria as asociacións e entidades deportivas sen ánimo de lucro validamente constituídas, con domicilio social no Concello de Porto do Son e inscritas no Rexistro Municipal de Asociacións que se atopen nalgún dos seguintes supostos:

- a) Que realicen actividades de interese municipal e certifiquen un mínimo de 20 deportistas federados, dos cales o 75% residan en Porto do Son. Para estes efectos computaranse as licenzas escolares (Programa Xogade de Deporte en Idade Escolar





da Secretaría Xeral para o Deporte da Xunta de Galicia) e os socios ou membros de clubs participantes en actividades non regradas ou non federadas.

- b) Que permitan a participación na súa actividade a nenos fillos de socios e non socios.
- c) Que participen como mínimo no 50% dos eventos federados e non federados nos que están inscritos.
- d) Que desenvolvan a súa actividade como mínimo durante 10 meses ao ano, con períodos de adestramentos, adestradores e horarios de adestramentos fixos e semanais.
- e) Que teñan actividades de deporte base ou de competición federada en ditas categorías.

Non poderán acadar a condicións de beneficiarios das axudas as entidades que fosen expulsadas da competición por sanción en todas as categorías ou por darse de baixa na competición en todas as categorías.

2.- Ademais das condicións detalladas no parágrafo anterior, para ter a condición de beneficiario das axudas os solicitantes deberán:

- a) Non ter pendente de xustificar ningunha subvención concedida polo Concello de Porto do Son.
- b) Atoparse ao corrente no cumprimento das súas obrigas tributarias e coa Seguridade Social.
- c) Non atoparse incursas en ningunha causa de incompatibilidade ou prohibición das mencionadas no art. 13 da Lei 38/2003, do 17 de novembro, xeral de subvencións.

CUARTA. SOLICITUDE.

1.- O procedemento de concesión das subvencións iniciarase a solicitude dos interesado, axustada ao modelo previsto no **anexo I**, acompañado da documentación complementaria correspondente.

2.- As solicitudes de outorgamento de subvencións presentaranse no Rexistro Municipal ou a través da sede electrónica do concello, durante un prazo de 15 días hábiles desde a publicación no BOP da convocatoria e as bases.

Por motivos xustificadas, poderá ampliarse o prazo para a presentación de solicitudes. Así mesmo, o órgano competente poderá aprobar novas convocatorias de axudas ata esgotar o crédito orzamentario consignado.

3.- Documentación a presentar coas solicitudes:

A.- Documentación de carácter xeral:

- 1.Copia do DNI da persoa que asina a solicitude.
- 2.Certificación expedida polo secretario ou cargo habilitado do club acreditativa da representación que ostenta o asinante da solicitude.
- 3.Certificación ou informe da federación deportiva correspondente indicando que o club ou entidade se atopa na actualidade de alta e con actividade propia.
- 4.Documento expedido por unha entidade bancaria designando a conta para o ingreso da subvención, no caso de outorgarse.

B.- Documentación xustificativa para avaliar e ponderar a contía da subvención:

- 1. Certificación ou informe da federación deportiva na que conste o número de fichas federativas ou, no seu caso, documento de inscrición no Programa Xogade de Deporte





en Idade Escolar da Secretaría Xeral para o Deporte da Xunta de Galicia expedidas na tempada xa rematada e por categorías.

2. Certificación ou informe da federación deportiva na que conste a categoría na que militaron os distintos equipos da entidade durante a tempada xa rematada.
3. Listaxe de inscrición da actividade non regrada/ federada coa adxunto do xustificante de pago da inscrición por participante/actividade.
4. Certificación expedida polo club indicando o número de adestradores titulados que imparten adestramentos nas distintas categorías, e copia dos seus títulos.
5. Memoria deportiva, segundo o modelo do **Anexo 2** das bases.
6. Memoria económica, segundo o modelo do **Anexo 3** das bases.
7. Outros datos que o solicitante xulgue de interese para xustificar o cumprimento dos requisitos para ter a condición de beneficiario das axudas.

4.- Para o caso de advertirse defectos, erros ou ausencia de documentación nas solicitudes, requirirase ao solicitante para a súa subsanación, de conformidade co previsto na Lei 39/2015, do 1 de outubro, do procedemento administrativo común.

QUINTA. ÓRGANOS COMPETENTES PARA A INSTRUCCIÓN E RESOLUCIÓN DO PROCEDEMENTO.

1.- A instrución do procedemento corresponderalle ao Servizo de Deportes.

2.- A comisión de valoración das solicitudes formulará a proposta de concesión das subvencións, de acordo cos criterios establecidos para o seu outorgamento que se detallan na **base sexta**.

A comisión de valoración estará integrada por:

- a) Presidente: O Concelleiro Delegado de Deportes.
- b) Vogais:
 - A mestra de Ludoteca.
 - Un funcionario do Concello.
- c) Secretario: un funcionario do concello.

3.- Correspóndelle á Alcaldía a resolución do procedemento de concesión das axudas, á vista da proposta da comisión avaliadora.

SEXTA. CRITERIOS DE VALORACIÓN DAS SOLICITUDES.

A comisión de valoración emitirá un informe de avaliación aplicando os criterios que a continuación se sinalan:

1.- O reparto de puntos realizarase atendendo o número de equipos federados ou en competición do programa Xogade segundo a categoría e ao número de fichas federadas ou en competición en programa Xogade dentro de cada categoría, así como o número de socios participantes en actividade non regrada/non federada. Con este reparto de puntos inténtase premiar aos clubs con maior deporte base.

1. Os equipos puntúanse segundo a súa categoría e zona onde compitan segundo o baremo seguinte:

Competición/Categoría	ZONAL	PROVINCIAL	AUTONÓMICO
-----------------------	-------	------------	------------





BENXAMÍN	2	3	4
ALEVÍN	2	3	4
INFANTIL	4	5	6
CADETE	4	5	6
XUVENIL	4	5	6
SENIOR	3	4	5

2. As fichas e participantes de actividade non federada/non regrada puntúanse segundo a categoría e a zona onde compitan co baremo seguinte para categoría masculina, e cun 0,2 a maiores para categoría feminina

Competición/Ficha	ZONAL	PROVINCIAL	AUTONÓMICO
PREBENXAMÍN	0,3	0,3	0,3
BENXAMÍN	0,3	0,4	0,5
ALEVÍN	0,3	0,4	0,5
INFANTIL	0,5	0,6	0,7
CADETE	0,5	0,6	0,7
XUVENIL	0,5	0,6	0,7
SENIOR	0,4	0,5	0,7
VETERÁN	0,4	0,5	0,7

Actividade non federada/non regrada	
PREBENXAMÍN	0,2
BENXAMÍN	0,2
ALEVÍN	0,2
INFANTIL	0,2
CADETE	0,2
XUVENIL	0,2
SENIOR	0,2
VETERÁN	0,2

2.- Aqueles clubs que teñan adestradores titulados que dirixan equipos, independentemente da categoría, e o acrediten coa copia do título oficial, seranlle outorgados 2 puntos por cada adestrador titulado sen que o número máximo de adestradores poida ser maior que o número de equipos do club.

3.- Non se outorgará puntuación polas categorías nas que o club fose sancionado coa expulsión da competición ou se dese de baixa.

4.- A puntuación final virá dada pola suma da obtida polo solicitante nos diferentes apartados.

SÉTIMA. RESOLUCIÓN DO PROCEDEMENTO

1.- A Xunta de Goberno Local, a proposta da comisión de valoración e previo o informe de fiscalización da Intervención municipal, resolverá sobre a concesión das subvencións no prazo de tres meses.

2.- O importe da subvención outorgada non superará o 18% do total da consignación orzamentaria e, en ningún caso, poderá ser de tal contía que, en concorrencia con subvencións





ou axudas doutros organismos públicos ou privados, supere o custo total da actividade a desenvolver pola entidade beneficiaria.

3.- A resolución de concesión notificarase aos interesados, a través de notificación colectiva no taboleiro de anuncios e na sede electrónica.

4.- A resolución de concesión porá fin á vía administrativa, podendo interpor ante o órgano competente, recurso potestativo de reposición, ou recurso contencioso- administrativo.

5.- O prazo máximo para resolver e publicar a resolución do procedemento non poderá exceder de 3 meses, contado dende a finalización do prazo de presentación de solicitudes. Transcorrido dito prazo sen resolución expresa, a solicitude entenderase rexeitada por silencio administrativo.

OITAVA.- REFORMULACIÓN DE SOLICITUDES.

1.- De acordo co establecido no art. 27 da Lei xeral de subvencións e no art. 61 do RD 887/2006, do 21 de xullo, a reformulación de solicitudes realizarase de forma automática, de xeito que, se o importe da subvención é inferior ao solicitado polo beneficiario, o orzamento subvencionado que deberá ser xustificado posteriormente, determinarase dividindo a contía da subvención concedida polo coeficiente de financiamento inicial.

2.- A solicitude razoada do beneficiario da subvención, presentada antes de que remate o prazo para a súa xustificación, poderá autorizarse a reformulación da solicitude inicial mediante o cambio dos obxectivos ou conceptos concretos que se detallan na memoria ou orzamento da solicitude, sempre que se manteña a finalidade da subvención.

Esta solicitude será resolta polo órgano competente para o outorgamento da subvención, a proposta da comisión de valoración.

A comisión de valoración deberá ter en conta as seguintes regras na elaboración da súa proposta:

- Se o orzamento da nova actividade é superior ou igual ao orzamento subvencionado inicial, manteranse as mesmas condicións da subvención outorgada.
- Se o orzamento da nova actividade é inferior ao orzamento subvencionado inicial, a comisión de valoración determinará o novo importe da subvención e o novo orzamento subvencionado.

NOVENA. OBRIGAS DOS BENEFICIARIOS.

1.- Os beneficiarios da subvencións están obrigados a:

- Realizar as actividades que fundamentaron a concesión da subvención e acreditar a súa realización.
- Xustificar o cumprimento dos requisitos, así como a realización da actividade e o cumprimento da finalidade que determinen a concesión da subvención.
- Destinar a subvención exclusivamente aos fins para os que foi concedida, quedando expresamente prohibida calquera alteración do destino non autorizada polo Concello.
- Someterse ás actuacións de comprobación do Concello da efectiva realización das actividades para as que se concede a subvención.
- Comunicar ao órgano concedente a obtención doutras subvencións ou recursos públicos e/ou privados que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.





- Facilitar tanta información sexa requirida polo Concello, polo Tribunal de Contas ou a Intervención municipal.
- Acreditar que está ao corrente das súas obrigas fiscais co Concello, das súas obrigas tributarias e fronte á Seguridade Social, situación a primeira que se apreciará de oficio por este Concello. Poderase simplificar a acreditación do cumprimento das obrigas tributarias e coa Seguridade Social, mediante a presentación dunha declaración responsable, cando a contía outorgada a cada beneficiario non supere na convocatoria 3.000 euros, tal e como se establece no artigo 24 do RD 887/2006, do 21 de xullo.
- Conservar os documentos xustificativos da aplicación dos fondos recibidos.
- Cumprir con calquera outra obriga reflectida no artigo 14 da Lei xeral de subvencións.
- Os beneficiarios de subvencións deberán darlle publicidade á colaboración municipal incluíndo no chándal e/ou camiseta de competición o escudo do Concello de Porto do Son. De non ser posible, deberán colocar un cartel nun lugar visible das dependenzas do club no que figure o escudo do Concello de Porto do Son e a lenda "Subvencións a clubs e entidades deportivas do Concello de Porto do Son. Ano 2024". Tamén deberán inserir na web do club un "banner" co mesmo deseño e realizar unha publicación idéntica nas redes sociais.

En caso de dispoñer de transporte, o club deberá colocar no vehículo un adhesivo co escudo do Concello de Porto do Son.

2.- O incumprimento dalgunha destas obrigas ou a falsidade dos datos achegados coa solicitude poderán dar lugar á suspensión do pago da subvención ou ao seu reintegro.

DÉCIMA.- XUSTIFICACIÓN DAS CANTIDADES SUBVENCIONADAS

1.- O importe da subvención anual deberá xustificarse antes do 15 de novembro do ano en curso.

2.- En aplicación do previsto no art. 51 do Decreto 11/2009, do 8 de xaneiro, a xustificación da subvención realizarase coa presentación da seguinte documentación:

A. Conta xustificativa da subvención (**Anexo 4** das bases).

B. Documentos xustificativos dos gastos realizados:

- Facturas, orixinais ou compulsadas, que cumpran os requisitos esixidos pola normativa de facturación.

O IVE será subvencionable cando teña a consideración de gasto por non ser susceptible de recuperación.

Nos pagos feitos a profesionais por servizos prestados deberá constar na factura a retención feita en concepto de IRPF.

- Nóminas e documentos TC1 e TC2 da Seguridade Social xustificativos dos gastos de persoal.
- Naqueles supostos en que a natureza da actividade subvencionada e os gastos que xere o fagan aconsellable, poderase admitir, de xeito excepcional, como xustificante calquera outro documento válido en dereito que acredite a realización da actividade obxecto da subvención e a aplicación dos fondos recibidos.
- Os documentos referidos deberán ser **orixinais ou copias compulsadas**.

C. Acreditación da publicidade do financiamento municipal (fotografía da equipa deportiva ou do cartel e, no seu caso, do vehículo do club e enlace ou captura de pantalla da web ou redes sociais).





3.- Non se admitirán xustificantes que non teñan relación directa con gastos derivados de actividades que se subvencionan nin cos criterios polos cales se avaliaron os seus importes nin que as súas datas non se correspondan co previsto nestas bases.

Os documentos xustificativos corresponderán aos gastos realizados entre 1 de setembro de 2023 e ata o día 1 de setembro do ano corrente.

4.- De non xustificarse a subvención antes do 15 de novembro, entenderase que o beneficiario desiste da súa petición e iníciase o expediente de anulación do compromiso de gasto ou para o reintegro das cantidades percibidas e non xustificadas.

Se unha vez requirido o reintegro das cantidades indebidamente percibidas polo club, este non se produce dentro dos prazos establecidos, procederase pola vía executiva cos xuros de constrinximento que correspondan.

Para todo o non previsto nestas bases estarase ao disposto na Lei 38/2003, do 17 de novembro, xeral de subvencións, Lei e demais disposicións de réxime local.

ÚNDÉCIMA. COEFICIENTE DE FINANCIAMENTO.

O coeficiente de financiamento máximo das subvencións reguladas nestas bases é do 0,80.

DUODÉCIMA. PAGAMENTO DAS SUBVENCIONS

1.- A aprobación da xustificación presentada polos beneficiarios e a ordenación do pago da subvención corresponderalle ao Alcalde ou órgano no que delegue, previa fiscalización da Intervención.

2.- O pagamento das subvencións efectuarase, con carácter xeral, logo de aprobarse a súa xustificación. Non obstante, poderá anticiparse a totalidade do importe da subvención mediante resolución da Alcaldía, previa solicitude e coa xustificación de ao menos o 50% do importe que se percibe anticipadamente.

3.- O pago da subvención efectuarase mediante ingreso na conta designada polo beneficiario.

4.- Cando o beneficiario sexa debedor da Entidade Local, poderase efectuar a compensación do importe da subvención coas débedas do beneficiario.

DÉCIMO TERCEIRA. REINTEGROS.

Procederá o reintegro do total ou parte das cantidades percibidas dende o momento do pago da subvención, nos casos previstos nos artigos 36 e 37 da Lei 38/2003, xeral de subvencións.

DÉCIMO CUARTA. RESPONSABILIDADE E RÉXIME SANCIONADOR.

Os beneficiarios das subvencións quedarán sometidos ás responsabilidades e réxime sancionador establecido nos capítulos I e II do título IV da Lei 38/2003, do 17 de novembro, xeral de subvencións, e no artigo 40 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, e demais normas concordantes.

DÉCIMO QUINTA. DISPOSICIÓN FINAL.

Para o non previsto nesta convocatoria será de aplicación o disposto na Lei 38/2003, do 17 de novembro, xeral de subvencións, o Real decreto 887/2006, do 21 de xullo, polo que se aproba o Regulamento da Lei xeral de subvencións e a Lei 9/2007, do 13 de xuño, de subvencións de





concello
Porto do Son

Rúa Atalaia nº 7 - 15970
Porto do Son (A Coruña)
CIF: P1507200B
Tlfo: 981 867 412
Fax: 981 767 358

Galicia e nas bases para a execución do orzamento xeral do Concello de Porto do Son correspondente ao exercicio 2024, así como o disposto na Ordenanza reguladora da concesión de subvencións por parte do Concello a asociacións e entidades sen fins de lucro existentes no concello e ás comisións de festas das distintas parroquias (BOP nº 153 de 04/07/2008).





(ANEXO 1)

MODELO DE SOLICITUDE

Subvención: CLUBS E ENTIDADES DEPORTIVAS. Ano 2024.

Nome:	NIF:
Enderezo:	
Tlf:	Correo electrónico:

Actuando en representación de:

Nome:	CIF:
-------	------

En relación co procedemento de concesión de subvencións polo Concello de Porto do Son que se indica,

EXPÓN:

Que reúne os requisitos para o outorgamento dunha axuda ao abeiro da convocatoria de subvencións para clubs deportivos de Porto do Son e **DECLARA DE XEITO RESPONSABLE:**

1. Que (a entidade á que representa) non se atopa incurso en ningunha causa de incompatibilidade ou prohibición para ser beneficiario de subvencións das Administracións Públicas, comprometéndose a manter esta situación ata a completa resolución do expediente.
2. Que (a entidade á que representa) se atopa ao corrente no cumprimento das súas débedas tributarias coa Administración do Estado, Comunidade Autónoma de Galicia e Concello de Porto do Son e coa Seguridade Social, comprometéndose a manter esta situación ata a resolución do expediente.
3. Que (a entidade á que representa) se somete ás actuacións de comprobación e achega da documentación que o Concello de Porto do Son poida acordar para comprobar que as actuacións ás que se destina a subvención, no caso de outorgarse, se corresponden cos fins para os que se solicita.
4. Que (a entidade á que representa) se compromete a levar un rexistro contable no que se recollan, ordenados cronoloxicamente, todos os cobros e pagos asociados á subvención que se solicita, así como a documentación xustificativa correspondente.

Polo exposto, **SOLICITA:**

O outorgamento dunha axuda de _____ euros (ata 1.800,00 €) o financiamento das actividades deportivas de interese municipal e a participación en competicións deportivas durante a tempada 2023- 2024.

Porto do Son, ____ de _____ de 2024.

Asinado.





(ANEXO 2)

MEMORIA DEPORTIVA

Subvención: CLUBS E ENTIDADES DEPORTIVAS. Ano 2024.

Nome:		NIF:
Enderezo:		
Tlf:	Correo electrónico:	
Actuando en representación de:		
Nome:		CIF:

En relación co procedemento de concesión de subvencións polo Concello de Porto do Son que se indica, presenta a seguinte **MEMORIA**:

(Poderá cubrir cada apartado en follas independentes, no número que estime oportuno, presentándoas numeradas)

1.- NÚMERO DE SOCIOS DO CLUB.

2.- DESCRICIÓNS DAS ACTIVIDADES DEPORTIVAS REALIZADAS (indicaranse as datas).

3.-COMPETICIÓNS NAS QUE PARTICIPOU NA TEMPADA ANTERIOR (indicando as datas), NÚMERO DE DEPORTISTAS OU SOCIOS PARTICIPANTES, RESULTADOS XERAIS E CLASIFICACIÓNS OBTIDAS.

4.- ACTIVIDADE REALIZADA POLAS ESCOLAS DEPORTIVAS DO CLUB, NÚMERO DE PARTICIPANTES, COMPETICIÓNS NAS QUE TOMOU PARTE E RESULTADOS XERAIS. (SÓ NO CASO DE CONTAR CON ESCOLAS DEPORTIVAS).

Porto do Son, ____ de _____ de 2024.

Asinado.





(ANEXO 4)
CONTA XUSTIFICATIVA DA SUBVENCIÓN
(Base Décima, apartado 2)

Subvención: CLUBS E ENTIDADES DEPORTIVAS. Ano 2024.

Nome:		NIF:
Enderezo:		
Tlf:	Correo electrónico:	

Actuando en representación de:

Nome:	CIF:
-------	------

A.- DECLARO DE XEITO RESPONSABLE:

1º.- Que se cumpriu a finalidade para a que foi outorgada a subvención, realizándose as actividades que se detallan:

ACTIVIDADE REALIZADA	RESULTADOS OBTIDOS

2º.- Que para a realización das actividades subvencionadas polo Concello de Porto do Son:

- ☐ Non se solicitou nin obtivo ningún outro ingreso procedente de entidades públicas ou privadas.
- ☐ Solicitáronse e obtivéronse os ingresos que se detallan o apartado C.- deste documento.

3º.- Que a entidade á que represento ☐NON/ ☐SI presenta declaración do Imposto sobre o Valor Engadido (IVE) e que os importes abonados por ese concepto ☐NON/ ☐SI son recuperables nin compensables pola entidade.

4º.- Que a entidade á que represento e os seus integrantes se atopan ao corrente no cumprimento das súas obrigas tributarias coa Administración do Estado, Comunidade Autónoma de Galicia, Concello de Porto do Son e coa Seguridade Social.

B.- RELACIÓN DE XUSTIFICANTES DE GASTOS.

DESCRICIÓN	TERCEIRO	Nº FACTURA	IMPORTE	DATA FACTURA	DATA DE PAGO





--	--	--	--	--	--

C.- RELACIÓN DE INGRESOS.

DESCRICIÓN	ENTIDADE CONCEDENTE	IMPORTE

Porto do Son, ____ de _____ de 2024.

Asinado.

